

全唐文 卷三百七十二之三
三百七十五

閻寬	李子簡	趙良器	李玘	陳兼	柳并	魏瓘
孔璋	張謂	邵瓊之	蘇源明	陳章甫	嚴郢	謝良輔
韋建	韋應物	張倚	魏顥	庾光先	劉秩	李曄
王之貴	盧庾	程諫	杜楚賓	毋獎	李峴	柳芳

竹居致廬

欽定全唐文卷三百七十二目錄

魏瓘

擣練賦

謝良輔


秋霧賦

洪鐘賦

豹舄賦

李暉

拒賊盟詞



金定全唐文 卷三十三
柳芳

對三命判

食貨論

姓系論

柳并

意林序

代汾陽王祭貞懿皇后文

嚴郢

奏五城舊屯兵募倉儲等數疏

第二疏

駁太常擬故相國江陵尹諡議

駁論自徒已下罪人並徙邊州議

大唐興善寺大廣智不空三藏和尚碑銘

并序

劉秩

貨泉議

選舉論

考課論

李峴

請宥陷賊官寮奏

臣等

奏為

大器與善中太亂皆不空三藏味前事

雖餘自封子不羅入並物委附

雖大器與善中太亂皆不空三藏味前事

奏為

欽定全唐文卷三百七十二

魏瓘

瓘天寶間進士

擣練賦

細腰杵兮木一枝女郎砧兮石五彩聞後響而已續聽前
聲而猶在夜如何其秋未半於是拽魯縞攘皓腕始於搖
揚終於凌亂四振五振驚飛雁之兩行六舉七舉遏彩雲
而一斷隱高閣而如動度遙城而如散夜有露兮秋有風
杵有聲兮衣有縫佳人聽兮意何窮步道遙於涼景暢容

與於晴空黃金釵兮碧雲髮白素巾兮青女月佳人聽兮
良未歇擘長虹而乍開凌倒景而將越是時也餘響未畢
微影方流逶迤洞房半入宵夢窈窕閒館方增客愁李都
尉以胡笳動泣向子期以鄰笛增憂古人獨感於聽今者
沉兼乎秋屬南昌舊福東魯前邱昇黃綬之堂論文謝賈
入素王之廟捧瑟齊由願君無按龍泉色誰道明珠不可
投

謝良輔

良輔天寶十一年進士德宗時官商州刺史

秋霧賦

以輕散長空寒
飛迥野爲韻

有物混成陰陽之精騰而爲質晦而爲名遊塵未足方其
細纖縠不能揣其輕度水凌亂從風半散表銀山之美素
色增鮮沐元豹之姿奇文獨煥若乃暑退朱方時惟白藏
空濛大澤鬱郁崇岡始經夫少昊之野終遍於無何之鄉
含草木而功大混山川而氣長浮我極浦靄我層穹如雨
如霰自西自東倏而來比君子之道廣忽而逝侔至人之
性空奚水土之同致俾陰陽之異觀秋何霧而不起霧何
秋而不寒至德發祥雜非烟於北極皇居瑞聖伴佳氣於

南端及夫丙火古馳騰蛇欲飛三辰被汨五星霏微道不
虛行來集黃公之咒神其有感去解白登之圍則知因時
舒卷與物動靜資於塊土變態俄頃興非塞望雄鳴之路
不迷冒且有聞彥輔之天自迴露遊兮月之下霞斂兮風
之假俟一揚於飛塵同秋空於迴野

洪鐘賦

昔者皇帝度六律和五音率伶倫之士總鈞石之金將合
樂以教令俾洪鐘以平心當其形器作坯工進太房旣列
風橐伊震奉明謀以立象窅櫛不憊出良冶而成聲函圉

得儻空以受氣動以發生尚羽大擊逢霜小鳴穢浮爲之
疏曠沈伏由其震驚如戢韻以待扣每登懸而惡盈若乃
長鯨似小猛簏爲狨崇巒蚴糾練響潛越九乳形矣信垂
範於九州兩樂存焉更分儀於日月虛而不屈應而無窮
廣樂之器爲音之雄欲其能鳴幸春容以大扣冀乎聞外
必鉤厲之有中不誇乎窮髮之墟實美乎亭臺之宮儻擊
考之無厭敢昭宣於國風

豹鳥賦

以兩通用
四聲爲韻

惟茲鳥兮稱珍受異質而彬彬其文也合變於君子其用

也見美於詩人伊昔大匠未知含章可久棲山隱霧或羣
或友且申威以肅殺寧畏險而鋌走豈知獻狀於獠者之
身入用於屨人之手敏手旣至光華增媚兩美必合一朝
成器信常功之嘉猷爲盡飾之美利苟賞善之在我甘殺
身而不懟曲直裁成威儀可覲若向也獸而今也鳥諸侯
所重楚子之翠被有光王者攸宜周官之赤纁無數左之
右之乍合乍離每唯命以進退將有翼於威儀擇地而行
豈慮泥塗之辱有道則至尚懷文彩之奇故尚書之曳履
聲則有音中郎之倒屣義亦爲美雖措足以同方豈能文

而可紀則知隨時應物順人合度克通夫莫往莫來實怪
於規行矩步滯阜鄉之自惜飛鄴縣之可慕願賓上國之
階墀冀吾君之一顧夫材俟時而進用時俟材以求索彼
微獸之有章亦飾躬而制作慕公孫之几几恥滑稽以交
錯幸參鵷鸞之行無雜犬羊之鞞若然者則荷夫天衢之
亨對斯文而不忤

李暉

暉開元時官殿中侍御史天寶中遷吏部郎中出爲景城
司馬瀛州長史

拒賊盟詞

大唐天寶某載月日瀛州長史李暉河間司法李奐攝東
光縣尉穆寧鹽山尉賈載等盟曰逆賊安祿山棄恩負德
敢於稱兵天綱妄肆逆亂煽范陽幽薊之眾騁胡奚犬羊
之羣違叛朝廷恣逞凶禍瀛州近與賊接在腹腋間賊意
欲取之以絕牽掣僞署守長岸然直來思據城郭盜其府
庫用其民人有其土地以豐賊資暉等身為唐臣義為唐
守安有從逆賊而背天子污僞命以辱名教所遣僞景城
守劉道元已縛斬之凡我諸僚逮佐吏等咸共同心為國

堅守移檄遠近上告方伯苟可滅賊殞躬不辭有渝此盟
神殛毋貲

柳芳

芳字仲敷蒲州河東人開元末擢進士第由永寧尉直史
館上元中坐事徙黔中歷左金吾衛騎曹參軍史館修撰
終右司郎中集賢殿學士

對三命判

乙仕登三命舉以特牲祀以少牢人告其僭加
於舉禮也

孝自天經禮爲人紀事有動於神理迹無昧於生成乙則
大夫位登右職庶極四時之享以符三命之貴飲食譙樂
特牲備舉珪璧嚴奠少牢是加用誠信以敷心資豐潔而
致薦是實其訓何糾其違徵之於前固不可罰

食貨論

昔開元初宇文融首以稅客戶籍外剩田戶口色役之策
行於天下其後天寶間韋堅又以穿廣運潭興漕之利楊
慎矜王鉞楊國忠等議財貨之政君子曰融等之敗也豈
不哀哉詩云人之多僻無自立辟融等之謂也初元宗以

雄武之才再開唐統賢臣左右威至在已姚崇宋璟蘇頲
等皆以骨鯁大臣鎮以清靜朝有著定下無覬覦四夷來
寇驅之而已百姓富饒稅之而已繼以張嘉貞張說守而
勿失自後賦役頓重豪猾兼并強者以才力相君弱者以
侵漁失業人逃役者多浮寄於閭里縣收其名謂之客戶
雜於居人者十一二矣蓋漢魏以來浮戶流人之類也是
時也天子方欲因士馬之眾賈將帥之勇高視六合慨然
有制御夷狄之心然懼師旅之不供流庸之未復思覩奇
畫之士以發皇明蓋有日矣而宇文融揣摩上旨款關謁